



12019

**GRAD ZENICA**

**-Gradsko vijeće  
-Gradonačelnik grada Zenica**

**Ul. Trg BiH br. 2 Zenica 72 000**

Zenica, 28.04.2021. godine

Vaš znak:

Naš znak: 04-14-03434-1/21

**PREDMET: ZAHTJEV ZA IZDAVANJE SAGLASNOSTI GRADSKOG VIJEĆA ZA  
DODJELU KONCESIJE, traži se**

Poštovani,

Ministarstvu za privredu Zeničko-dobojskog kantona aktom, broj: 5970/21 od 13.04.2021. godine obratio se privredni subjekt RMU "ZENICA" d.o.o. Zenica sa Zahtjevom za dodjelu koncesije za istraživanje i eksploataciju mineralne sirovine uglja na području grada Zenica. U predmetnom Zahtjevu, privredni subjekt je odustao od ranije podnešenog zahtjeva, broj: 17620/2017 od 06.10.2017. godine te je neophodno da se svi akti doneseni po osnovu zahtjeva od 06.10.2017. godine stave van snage.

Obzirom na kompleksnost postupka dodjele koncesije na istraživanje i eksploataciju i važeće propise, Saglasnost gradskog vijeća je osnovni akt za procjenu postojanja javnog interesa (sa aspekta uravnoteženog regionalnog razvoja, ekonomskog, sociološkog, ekološkog, uređenja i korištenja prostora na kome se realizira koncesioni projekat).

Imajući u vidu daljnje vođenje postupka dodjele koncesije, a u skladu sa članom 1. Zakona o dopunama Zakona o koncesijama ("Službene novine Federacije Bosne i Hercegovine", broj: 61/06) i članom 8. Zakona o koncesijama (Prečišćeni tekst) ("Službene novine Zeničko-dobojskog kantona", broj: 5/03), molimo Vas da u pripremi donošenja Saglasnosti, gradske službe posebnu pažnju obrate na slijedeće:

- stanje i status zemljišta (istražno-eksploatacionog polja) u zemljišnim knjigama i katastru sa vlasničkom strukturom,
- stanje i status zemljišta (istražno-eksploatacionog polja) u Prostornom planu općine tj. da li se uklapa ili ne u isti,
- stanje i status zemljišta (istražno-eksploatacionog polja) sa aspekta zaštite historijskog i kulturnog naslijeđa, odnosno postojanja takvih objekata,
- stanje i status zemljišta (istražno-eksploatacionog polja) sa aspekta sanitarne zaštite izvorišta voda koje se koriste ili su planirana da se koriste za piće,
- stanje i status zemljišta (istražno-eksploatacionog polja) sa aspekta postojanja ili planiranja gradnje vodoprivrednih objekata za snabdjevanje naselja vodom (rezervoari, cjevovodi i dr.).

**Saglasnost treba da sadrži:**

- odgovore na pitanja vezana za status zemljišta (istražno-eksploatacionog polja) u zemljišnim knjigama i katastru i prihvatljivost koncesionog projekta,
- prelomne tačke sa koordinatama istražno-eksploatacionog prostora definisane Studijom o ekonomskoj opravdanosti dodjele koncesije na eksploataciju mrkog uglja RMU "Zenica" d.o.o. Zenica, sa naznačenom površinom, pobrojane i upisane sve parcele (k.č. broj po starom i novom premjeru) koje se nalaze djelimično ili cijelom svojom površinom unutar zahtjevanog prostora za dodjelu koncesije.

Istovremeno treba imati na umu da će, u slučaju pozitivnog stava Vijeća i provedenog postupka dodjele koncesije, koncesionar imati obavezu ishodovanja svih relevantnih dozvola za istraživanje i eksploataciju u istražno-eksploatacijskom polju, nakon ostvarivanja prava, odnosno potpisivanja koncesionog ugovora.

U prilogu Vam dostavljamo Studiju o ekonomskoj opravdanosti dodjele koncesije na eksploataciju mrkog uglja RMU "Zenica" d.o.o. Zenica, te kod sagledavanja stanja i statusa zemljišta kao i koncesionog projekta (istražno-eksploatacionog polja, odnosno istraživanja i eksploatacije mrkog uglja), bitno je imati na umu slijedeće činjenice:


- Tehnološki opis projekta,
- Opis lokacije,
- Uticaj projekta na zaštitu okoline.

Obzirom na kompleksnost ovog koncesionog projekta, u slučaju potrebe za dodatnim informacijama i pojašnjenjima Studije u fazi pripreme i davanja Saglasnosti gradskog vijeća, molimo Vas da se obratite Upravi Rudnika.

Imajući u vidu činjenicu da je Saglasnost Gradskog vijeća Zenica osnov za utvrđivanje javnog interesa za dodjelu koncesije, molimo Vas da nam Saglasnost dostavite u zakonskom roku.

S poštovanjem,

Obradivač akta: Vanja Udiljak, pomoćnik ministra



**PRILOG:**

- Studija o ekonomskoj opravdanosti dodjele koncesije na eksploataciju mrkog uglja RMU "Zenica" d.o.o. Zenica

Dostavljeno:

1x Naslovu

1x RMU "Zenica" d.o.o. Zenica

1x a/a



**MINISTAR**

Zlatko Jelić

